

ՅԱ.

Ռուսիոյ զօրաշարժը դէպ ի թուրքիս. — այս՝ առաջին մասով:

Վաւերագիրս կը հաղորդէ նաև որ Աւստրիոյ կայսրը մասնաւոր հրովարտակով կը վերցնէ կարգ մը Սուրբերու տօները, տալով այս բարձման պատճառները: Ուրիշ կարգադրութիւններ ալ կ'ընէ. սակայն այս ամէնէն՝ յառաջ կու գան նաև վէճեր ու զիմադրութիւններ մաճառներուն մէջ:

Փերսպատիս և գերչարգոյ տեսան տեսան Ստեփաննոսի Վարդապետի Արքայի մերում խոնարհական համբոյր քղանցից

... Յաւուրս յայտօսիկ լուայ յարժանահաւատ արանց, եթէ մոսկովք անցին զթուանն, և գնան պաշարել զՎիսինն, և յետ այնորիկ մնայ երթալ յէտրէնէն և ի ստամպօլ. բանակն թուրքաց ցիր և ցան եղեալ փախտական գնան յերեսաց մոսկովին խումբ խումբ իբրև զերամակս եզանց. ուր հինգ հազար, ուր տասն հազար և ուր քսան հազար. և զայս պատմեցին ինձ ականառեսքն, որք գան ի ստամպօլու: Պատմեցին ևս եթէ ոմանք տաճիկք ասացեալ են. էյէր քի մոսկով կիւմուր կէլիրիսէ, պիգտա պիգիմ էվիմիդին քարշըսնտա պիրէր հաշ տիքէրըզ, իքիշէրտայ տօմուզ պողազլարըզ, պիգտայ կիւմուր օլուրըզ: Յոյժ վատ երևի բանն թուրքաց, զի յոյժ նուաճեաց զնա մոսկովն, պաշարելով զանցսն սեաւ ծովուն և ուռումէլիին. նաև որպէս լուայ փաշան մտայ ապտամբեալ, առեալ է զերու ազգին, որ ոտից կոխան եղեալ նեղութիւնս մեծամեծս կրեն. յոյժ դանկութիւն է ի ստամպօլ և առաւել ևս լինելոց է... խոնարհեալ ընկճեալ կան ամենայն տաճիկքն... մի միայն միսիթարութիւն մնացեալ է տաճիկն նէմսէն, որ յոյժ բարեկամութիւն ցուցանէ նմա, տալով նմա զգահրէս, նաև յաւուրս յայտօսիկ տուեալ է նմա յիտուն հազար խանթար պարութ. և այժմ ևս երկու նաւք պարութով գնան ի տաճկաստան. ուստի ամենայն տաճիկքն զնա գովեն և ասեն. պիգիմ իմփոաթօըն պիր կիւնի ալլահթալէ պին էթսին. գըլըճընի տուճմանընա գէսկին էթսըն. այլ որպէս թուի ի նշանաց, այս ամենայն վարդապետութիւն է, և ոչինչ գործէ մոսկովն առանց կամաց կայսեր, վասն զի նախ քան զանցանել մոսկովին զթունան հրաման եկեալ էր առ զէմինու զօմէնտանդն, զի գտցի զայլ ճանապարհ փօշտայի՝ առանց գնալոյ ի ստամպօլ, ուրեմն գիտէր թէ մոսկովն անցանելոց էր զթունան: Կայսրն միշտ ի պատրաստի կայ. հանապազ զօրքն առաքին աստ ի շրջակայս, և մանաւանդ, յառտիալն, և ի բերանս ամենեցուն է, եթէ պարտիմք առնուլ զպէլըրդատն. խորհուրդ թագաւորի է, և ոչ ոք կարող է իմանալ. զայս ծածուկ պահելս հնարեաց այժմու կայսրս, որ յոյժ օգտակար է իւրոյ թագաւորութեան, յաւուր միում խոստովանահայրն կայսեր հարցեալ ցկայսրն. եթէ զինչ խորհուրդ ունի յաղագս պատերազմին, որում տուեալ է պատասխանի կայսրն. կարօ՞ղ ես խորհուրդ պահել զի մի գիտասցեն այլք. ասէ խոստովանահայրն կարեմ պահել. պատասխանի ետ կայսրն և ասէ, կարեմ և ես խորհուրդ պահել, և ոչ ումեք յայտնել, և ոչ յայտնեաց նմա: Ասեն եթէ մինչև չորս հարիւր հազար զօրք ունի այժմ ի պատրաստի ի վերայ ոտից...: Չտօնս սրբոցն յայսմ ամի եբարց կայսրն յերկրէն իւրմէ. բաց ի տէրունական տօնից. և ի Ե տօնից աստուածածնայ, սրբոցն պետրոսի և պօղոսի և սրբոյն ստեփաննոսի նախավըկային և ամենայն սրբոց. ընդ տօնի սրբոցն պետրոսի և պօղոսի հրամայեաց և զամենայն առաքեալսն տօնել, և ընդ նախավկային զամենայն մարտիրոսս. Կնունդն Քրիստոսի Բ օր, Չատիկն Բ օր, Հոգեգալուստն Բ օր հրամայեաց տօնել: Պատճառ բարձման տօնիցն է, զի յաւուրս տօնից առաւել մեղք գործին քան յայլ աւուրս. զի արհեստաւորք հազիւ սպասեն զի տօն լիցի. ոմանք պատարագ տեսանեն և ոմանք ոչ, և իսկոյն գնան ի մե-